

耳○巽時大行王妃入梓宮即成殯訖百官哭臨于殯殿外即奉慰于勤政殿庭○夜乾方艮方有氣如火○壬戌是日乃大殯訖日而停

百官陳賀○咸鏡道觀察使尹金孫以病不能堪任請辭諭書曰今因所啓且悉卿意但方面重任不可以微疾遽適茲故不允且本道軍需不敷兵卒耗減予甚悶焉允足食足兵防備等事倍加措置○慶尚道

金海等四邑地震○癸亥夜月掩畢大星坤方北方有氣如火○甲子

巽時百官成服○直提學金安老啓曰令臣製大行王妃誌文所謂誌文必書平生賢行則外間不知大行王妃實跡故敢啓傳曰徐當下示

○左議政鄭光弼右議政金應箕右贊成張順孫刑曹判書姜渾兵曹判書申用漑禮曹判書金詮右叅贊李繼孟吏曹判書朴說工曹判書

安瑋戶曹叅判韓亨允禮曹叅判成夢井吏曹叅判沈貞工曹叅判金

克幅等議大行王妃徽號曰淑慎明惠諡曰章敬

溫克令儀曰章敬陵號

曰禧陵殿號曰永慶○內出大行王妃實錄弘治辛亥七月庚辰生於

私邸早失其妣長於外姑卒月山大君妻昇平府夫人朴氏之弟丙寅

秋九月上中興時王妃未定選入宮中冊為淑儀承上以禮接僚以

寬淑德難比其時大臣等請建王妃上教曰國母所關至重不可卒